

**MESYUARAT PERTAMA PENGGAL PERTAMA
DEWAN UNDANGAN NEGERI PULAU PINANG
YANG KEEMPAT BELAS
02 OGOS 2018**

PERKARA : 4(B)(XXIV)14

**SOALAN BERTULIS OLEH AHLI KAWASAN TELOK AYER
TAWAR YB. MUSTAFA KAMAL BIN AHMAD**

14. Sejauh manakah pembentukan Jawatankuasa Gender berjaya.

- (a) Menggubal dasar/garis panduan untuk mengurus perdanakan gender, serta merancang dan menganjurkan program-program berkaitan gender.
- (b) Mengadakan hubungan dengan jabatan dan agensi luar.
- (c) Membincangkan isu-isu gender dalam pembangunan serta menyediakan maklumat berkaitan gender untuk pendidikan dan kesedaran.

**YB. CHONG ENG
MENJAWAB BAGI PIHAK Y.A.B. KETUA MENTERI**

14. (a) Jawatankuasa Keterangkuman Gender yang ditubuhkan di bawah Kerajaan Negeri berperanan untuk mengurus perdanakan gender dan merancang program-program berkaitan gender. Bagi membincangkan secara terperinci berkenaan dengan hala tuju dan peranan jawatankuasa ini, satu bengkel telah diadakan pada 25 dan 26 Jun 2018. Bengkel yang kedua akan diadakan dalam masa terdekat untuk membincangkan dasar/garis panduan untuk mengurusperdanakan gender dan program-program berkaitan gender.

- (b) Bengkel yang telah diadakan pada 25 dan 26 Jun 2018 telah disertai oleh Jabatan-jabatan Kerajaan, Badan-badan Bukan Kerajaan (NGO), Ahli Dewan Undangan Negeri (ADUN) dan juga wakil daripada sektor swasta bagi mendapatkan input daripada semua pihak berhubung cadangan hala tuju jawatankuasa ini.
- (c) Sebagai langkah awal dalam menyediakan maklumat berkaitan gender, data-data berkenaan dengan statistik tenaga kerja bagi Jabatan/Agensi Kerajaan Negeri, Jabatan Persekutuan, Badan Berkanun Negeri, Badan Berkanun Persekutuan dan Syarikat Kerajaan Negeri berdasarkan kumpulan perjawatan dan gender telah diperolehi. Dari masa ke semasa, Jawatankuasa Keterangan Gender akan membincangkan isu-isu gender dalam pembangunan serta membincangkan cara menyediakan maklumat berkaitan gender untuk pendidikan dan kesedaran.

